



DIE ABVERHEYTE

Sujet:

...ON N'Y DANSE PAS

Bi Bauwärgg uus vergangene Zytte
Dien d Wüsseschafter vylmol strytte.
Und maischtens kunnts zur Konfrontierig
Im Zämmehang mit dr Datierig.

Am schlimmschte isch d Erklärignot
Wenn sone Bau scho nümme stoht.
Zum Glügg gits aber alti Schrifte,
Wo s Ghaimnis mänggmol könne lüfte.

So au im Fall vo unserer Brugg.
Ihr Datum liggt scho ganz wyt zrug:
Vor zimmlig gnau achthundert Johr
Scho kunnt si in ere Urkund vor.

Zwor wird nit klar uus däre Chronik
Öbb d Brugg scho baut isch oder nonig.
Doch das isch aigedig egal.
Was zellt isch ainzig d Johreszahl.

Vor acht Johrhundert scho-n-e Brugg!
Nadürlig ohni Nepomuk,
Denn dä isch lengscht no nit gebore
Und hätt au z Basel nüt verlore.

In jeder Stadt vo Oscht bis Wescht
Gäb das e riisegrosses Fescht.
Doch z Basel, kaine waiss worum,
Do blybt me zue däm Thema stumm.

Hätt d CMS nit reagiert
Und Dafele uff dr Brugg montiert,
Wär das historisch Underfange
Ganz sang- und klanglos undergange.

Me het das Datum schlicht verpennt.
Und setzt hütt lieber uff Event,
Wie byspiilswys dr ESC,
Dä bringt für dr Tourismus meh.

Mir finde, punkto Feschtkultur,
Macht Basel nümme die bescht Figur.
Was sinn do friehner Feschter gloffe!
Und ains het s vorig überdroffe.

D Zwaidausigjohrfyr, legendär,
Isch scho e bitzli lenger här.
Und gly druffaabe s Unifesch, t
500 Johr, mit Ehregecht.

Denn, in de friehne Sibzgerjohr,
Me kaas kuum glaube, doch s isch woher,
Isch all zwai Johr e Stadtfesch, t
Das wurd hütt kuum meh dinneliige.

Zwai Hafefeschter, Fähridaufi.
E Fesch, t
Und usserdäm bruucht jede Zächer
Pro Fesch, t

Me könnt die Lyschte wy, t
Doch wämmer nümme lamentiere.
S isch schön gsi, doch es isch verby.
Hütt waiht e-n-andere Wind am Rhy.

Uusbligg:

Zwölvvierevierzig: in däm Johr
Kunnt d Brugg e zwai, t
Und zwyfellos, nach em Beschriib,
Isch si denn wirgglig in Betriib.
Das isch jo, d Rächnig fallt nit schwär,
Fascht au scho acht Johrhundert här.
In achtzäh Johr wärs denn sowyt,
Das isch jo kai so langi Zyt.
Denn hätte mir nomol e Chance
Zum singe: maintenant on y danse.

D Ladäärne-Uusstellig uff em Minschterplatz und d Waage- und
Reggwisyte-Uusstellig bi dr Kasäärne sin vom Määntig znacht
bis am Mittwuch demoorge! Deert und an de Verkaufsständ
(CINS) in der Stadt ka men au alli Zeedel und Schnitzelbängg,
d Blaggedde und dr Rädäbäng kaufe.